

Objava za medije

Agro-kredit i stambeni krediti glavna tema EFSE-ove Godišnje skupštine u Sarajevu

- 'Snažno partnerstvo, snažan uticaj' – osvrt na vrlo uspješnu 2012. godinu
- Ugovorom o kreditiranju s hrvatskom Zagrebačkom bankom u 2012. godini EFSE obuhvatio ukupno 16 zemalja ciljne regije
- Paneli i radionice o agro-kreditima i stambeni krediti naglasak su EFSE-ovog glavnog usmjerenja
- EFSE Razvojna jedinica: tehnička pomoć najvažnija je u odgoaranju na konkretne potrebe

6. jun 2013. - Sarajevo (Bosna i Hercegovina) – U saradnji s Centralnom bankom Bosne i Hercegovine, sedmu Godišnju skupštinu Evropskog fonda za jugoistočnu Evropu (EFSE) službeno su otvorili Bakir Izetbegović, član Predsjedništva Bosne i Hercegovine, Kemal Kozarić, guverner Centralne banke Bosne i Hercegovine, Peter Sørensen, ambasador i šef Delegacije Evropske unije u Bosni i Hercegovini i specijalni predstavnik Evropske unije i Christiana Markert, zamjenica šefa misije pri njemačkoj ambasadi u Bosni i Hercegovini.

Naglašavajući uspjehe u 2012. godini, Monika Beck, predsjednica Odbora direktora fonda EFSE izjavila je na otvaranju Godišnje skupštine Fonda: „*Veliko nam je zadovoljstvo ali je i prikladno što održavamo svoju Godišnju skupštinu u Sarajevu. Naš moto za ovu godinu – 'Snažno partnerstvo, snažan uticaj' može se dvostruko protumačiti. Bosna i Hercegovina ne samo da je kolijevka EFSE-a - upravo su ovdje ostvareni prvi koraci prije sedam godina – nego je BiH od početka naš, sad već dugogodišnji, partner. Krajem 2012. godine BiH imala je drugi najveći udio u EFSE-ovom investicionim portfoliju sa investicijama vrijednim 115,7 miliona eura. Vrlo smo ponosni podijeliti uspješnu priču koja se odvila u BiH, naročito u davanju podrške sektoru mikrofinansiranja ove zemlje. Od početka ove godine, EFSE je već odobrio EUR 20,5 miliona sredstava samo tom tržišnom segmentu BiH sa gotovo trećinom svih odobrenih sredstava za organizacije koje se bave mikrokreditiranjem.*“

Potpisivanjem prvog ugovora o kreditiranju s hrvatskom Zagrebačkom bankom vrijednim više od 20 miliona eura u 2012. godini, EFSE je postao potpuno operativan u 16 zemalja svoje ciljne regije Jugoistočne Evrope¹ (SEE) te Susjedne istočne evropske regije² (ENR). Vjeran duhu “Snažnog partnerstva – snažnog uticaja”, EFSE je dosljedno radio na proširivanju svog geografskog uticaja, ponavljanjem uspjeha kroz prilagođavanje provjerenih strategija na lokalnim područjima. U saradnji sa svojim partnerskim kreditnim institucijama, EFSE je uvijek naglašavao važnost izgradnje snažnih partnerstva, prateći ih u procesu ostvarenja stabilnih i efikasnih pristupa kreditima za krajnje korisnike. Samo u 2012. godini, partnerske kreditne institucije EFSE-a odobrile su 50.000 kredita u ukupnom iznosu od 425 miliona eura, pokazujući da su resursi Fonda efikasno raspodijeljeni kako bi se finansirala mala i srednja preduzeća te domaćinstva s nižim prihodima.

Paneli i radionice o agro-kreditima i stambenom kreditiranju na Godišnjoj skupštini naglasili su glavno usmjerenje EFSE-a

U skladu s EFSE-ovim usmjerenjem na krajnje korisnike u poljoprivredi, kao i na domaćinstva kojima su potrebna dodatna sredstva za finansiranje stanovanja, EFSE organizuje panel rasprave i tehničke radionice

tokom dva dana održavanja Godišnje skupštine u Sarajevu kako bi promovisao razmjenu znanja te istražio nove mogućnosti partnerstva i ojačavanja uticaja na ove ključne segmente.

Panel o agro-kreditima biće usmjeren na rizike i mogućnosti kreditiranja poljoprivrednika. Na primjer, u Ukrajini je poljoprivredni sektor slabo finansiran u poređenju sa zemljama sa značajnim poljoprivrednim aktivnostima – procijenjen je raskorak agro-kreditiranja od 8,7 miliona američkih dolara u Ukrajini. Ključni cilj EFSE-ove ukrajinske partnerske kreditne institucije Megabanke jest da postane banka prvog izbora za svoje klijente, naročito za mala i srednja preduzeća i poljoprivrednike. Ovdje EFSE Razvojna jedinica podsiče razvoj alata za procjenu rizika u poljoprivrednom kreditiranju, koji će biti potpuno integrisan u postojeći sistem Megabanke. U Rumuniji, Agricover Credit drži velik potencijal agro-kreditiranja s inovativnim pristupom: predstavnici banaka posjećuju krajnje korisnike lično te se sve transakcije obavljaju na posjedima klijenata. Putem Agricover Credita, EFSE efikasnije doseže šire tržište.

Svrha panela o stambenom kreditiranju je raspraviti kako najbolje održivo odgovoriti na finansijske potrebe tržišta, uzimajući u obzir rizike vezane uz stambene kredite – kao na primjer, disfunkcionalne politike te tržišna kretanja koja se mogu posmatrati kroz primjer subprime krize u SAD-u. Održivo stambeno finansiranje podstiče ekonomski rast, stvara radna mjesta te poboljšava cjelokupne uslove življenja. Od svog početka rada EFSE je obezbjedio sredstva za stambeno kreditiranje, naročito u BiH i Kosovu. Ovaj segment i danas ostaje integralni dio originalnog koncepta Fonda i važan stub njegove misije. Zaključno s krajem 2012. godine, stambeni krediti činili su 26 posto ukupnog portfolia Fonda.

‘Snažno partnerstvo, snažan uticaj’ – osvrt na vrlo uspješnu 2012. godinu

- S više od 350.000 kredita ukupne vrijednosti 2.2 milijarde eura od svog osnivanja 2005. godine, EFSE je ostvario značajan uticaj u smislu obezbjeđenja i stvaranja radnih mjesta u cijeloj ciljanoj regiji – 350.000 radnih mjesta do danas.
- EFSE-ov portfolio kredita u 2012. godini dosegao je iznos od 638 miliona eura.
- Kao i prethodnih godina, EFSE nije zabilježio ni ostvario kapitalne gubitke, a nivo pogoršanja ostao je izuzetno nizak.
- EFSE je uspio pokrenuti 115 miliona eura od privatnih komercijalnih investitora. Privatni kapital činio je 65 posto ukupnih kapitalnih obaveza.
- Trenutni investitori pokazali su svoje povjerenje u EFSE ponovnim ulaganjem povraćenih sredstva te novih sredstava u iznosu većem od 185 miliona eura u 2012. godini.
- EFSE-ove ukupne kapitalne obaveze porasle su na 873 miliona eura.
- Finansiranje u lokalnim valutama ostalo je EFSE-ov prioritet u 2012. godini. Uzimajući u obzir učešće valuta prema podacima o kreditima različitim privrednim sektorima, 75,9 posto svih kredita odobrenih unutar poljoprivrednih kreditnih linija bili su u lokalnim valutama – na taj način štiteći krajnje korisnike koji uglavnom, ili isključivo, trguju na lokalnom tržištu od rizika rasta kursa.

EFSE Razvojna jedinica: tehnička pomoć ostaje imperativ u odgovaranju na konkretne potrebe

Osim obezbjeđivanja sredstava, EFSE je nastavio obezbjeđivati podršku svojim partnerskim kreditnim institucijama putem tehničke pomoći (TA) te kroz treninge EFSE Razvojne jedinice (EFSE DF): u 2012. godini, 47 projekata vrijednih 2,5 miliona eura bili su pod vođstvom EFSE DF, obuhvatajući oko 290 finansijskih i sektorskih institucija; 18 institucija ostvarilo je direktne koristi kroz prilagođenu tehničku pomoć.

- Jačanje kapaciteta partnerskih kreditnih institucija orijentisanih na finansiranje malih i srednjih preduzeća, operativnu efikasnost, internu kontrolu i reviziju, te su mikrokreditne organizacije profitirale od usluga strateškog savjetovanja u prilagođavanju na nove izazove tržišta
- Primijenjena istraživanja usmjerena na mogućnosti poljoprivrednog finansiranja u Ukrajini, prezaduženju mikro i malih klijenata u Kosovu, kao i mogućnostima mobilnog bankarstva u Moldaviji, Albaniji i Turskoj
- Na sektorsko nivou, tehnička pomoć pružena je u formi radionica o korporativnom upravljanju, podrške savjetovanja UPLUSU te centra za finansijsku pismenost u BiH, kao i putem kampanja podizanja svijesti osmišljene za mikro i mala poduzeća vezanih uz rizike kredita s valutnom klauzulom
- U 2012. godini, odobren je 31 novi projekat ukupne vrijednosti 1,5 miliona eura (što je gotovo 20% više 2011. godine), uključujući šest studija i devet sektorskih projekata tehničke pomoći. U 2013. godini se očekuje da će biti odobreno 40 projekata ukupne vrijednosti 2 miliona eura.

Više od 350 međunarodnih stručnjaka i lokalnih predstavnika iz 29 zemalja učestvovalo je 7. Godišnjoj skupštini EFSE-a u Sarajevu. EFSE Godišnje skupštine održavaju se svake godine u drugoj zemlji EFSE-ove ciljne regije kako bi se promovisao dijalog i prekogranična saradnja te kako bi se podsticala rasprava o najsavremenijim temama razvojnog finansiranja među interesnim grupama Fonda.

Ukratko o Evropskom fondu za Jugoistočnu Evropu (EFSE)

Cilj Evropskog fonda za Jugoistočnu Evropu (EFSE) je briga za ekonomski razvoj i napredak Jugoistočne Evrope¹ te Susjedne istočne evropske regije² Evropske unije. EFSE je usmjeren na pomaganje lokalnih finansijskih sektora u jačanju njihove mogućnosti da obezbjede odgovarajuće i održivo finansiranje mikro i malih preduzetnika, kao i privatnih domaćinstava u obliku kredita za poboljšanje uslova stanovanja. Sredstva koja EFSE pruža kanališu se kroz lokalne partnerske kreditne institucije. Osim finansiranja, EFSE partnerskim kreditnim institucijama pruža tehničku pomoć, savjetovanje i usluge obuke za razvoj njihovih operativnih kapaciteta i profesionalnog menadžmenta. KfW Development Bank (Njemačka razvojna banka) osnivač je EFSE-a, a dodatnu finansijsku podršku dalo je njemačko Federalno ministarstvo za privrednu saradnju i razvoj (BMZ) te Evropska komisija - u 2005. godini. EFSE je prvo javno-privatno partnerstvo ove vrste i prvi privatno upravljani fond za razvoj finansija. Kapital je prikupljen od njemačkog Federalnog ministarstva za privrednu saradnju i razvoj, Evropske komisije, Vlade Republike Albanije, Kreditne podrške malim i srednjim preduzetnicima CJSC, Austrijske razvojne banke (OeEB), Švajcarske agencije za razvoj i saradnju (SDC), Danske međunarodne razvojne agencije (DANIDA), KfW Entwicklungsbank (Njemačke razvojne banke), Međunarodne finansijske korporacije (IFC), Nizozemske finansijske kompanije (FMO), Evropske banke za obnovu i razvoj, Evropske investicione banke i banke Sal. Oppenheim and Deutsche Bank. Fondom upravlja Oppenheim Asset Management Services S.à r.l., Luxembourg a Savjetnik fonda je Finance in Motion GmbH, Frankfurt/Main, Njemačka.

Za dodatne informacije o EFSE-u, molimo posjetite: <http://www.efse.lu>

Kontakt za medije:

Christine Prütz
Tel: +49 (0)69/977 876 50-22
E-mail: c.pruetz@finance-in-motion.com

Merle Römer
Tel.: +49 (0)69/977 876 50 - 171
E-mail: m.roemer@finance-in-motion.com

¹ Jugoistočna Evropa (SEE): Albanija, Bugarska, Hrvatska, Makedonija, Kosovo, Crna Gora, Rumunija, Srbija, Turska

² Susjedna istočna evropska regija: Armenija, Azerbajdžan, Bjelorusija, Gruzija, Moldavija, Ukrajina